

作佛形像經  
龍施女經  
龍施菩薩本起經  
八吉祥神咒經

籍

百六十一  
女六

48415



元祿九年丙子二月日重脩

皇圖瓊閣 帝階綴昌

佛日增輝 懋譽輪常轉

山城州天安寺法金剛院置



四經同卷 六

佛說作佛形像經

佛說龍施女經

佛說龍施菩薩本起經

佛說八吉祥神呪經

佛說作佛形像經

失譯附漢錄

佛至拘鹽惟國有諸樹園主名拘翼時國王

名優填年十四聞佛當來王即勅傍臣左右

皆悉嚴駕王即行迎佛遙見佛心中踴躍歡

喜王即下車步罷傍臣左右持蓋者王趨迎

佛前以頭面著佛足遶佛三匝長跪叉手白



佛言天上天下人民無有能及佛者今佛面  
目身體行出光明巍巍好乃如是我視佛無  
有厭極時今佛是天上天下人之師也佛慈  
心所愛者多佛嘿然不應王復白佛言人作  
善者其得福祐當何趣向佛去後我恐不復  
見佛我欲作佛形像恭敬承事之後當得何  
等福願佛哀爲我說之我欲聞知佛言年少  
王汝所問大善聽我言聽已當置心中王言  
諾受教佛告王若作佛形像其得福祐我悉  
爲汝說之王言受恩佛言天下人作佛形像  
者其後世所生處眼目淨潔面貌端正身體  
手足常好生於天上亦淨潔與諸天絕異眼

目面貌好作佛形像得福如是

作佛形像所生處無有惡身體皆完好死後  
得生第七梵天上復勝餘天端正絕好無比  
爲諸天所敬作佛形像得福如是作佛形像  
後世當生豪貴家其實與世間人絕異所生  
處不在貧窮家作子作佛形像其得福如是  
作佛形像者後世身體常紫磨金色端正無  
比作佛形像後世所生處當生富家錢財珍  
寶不可勝數常爲父母兄弟宗親所重愛作  
佛形像其得福如是作佛形像後世生閻浮  
利地常生帝主王侯家或爲賢善家作子作  
佛形像其福如是作佛形像後世作帝王中

復最尊勝於諸國王諸國王所歸仰作佛形  
像其得福如是作佛形像後世作遮迦越王  
飛行上天後來下自恣在所作為無所不  
至作佛形像其得福如是作佛形像後世生  
第七梵天上壽一劫智慧無有能及者作佛  
形像死後不復在惡道中生者常自守節  
心念常欲求佛道作佛形像其得福如是作  
佛形像後世生常敬佛慈心於經常持雜繒  
綵好華好香然燈火諸天下珍寶竒物持上  
佛舍利其後無數劫會當得泥洹道人有出  
意持珍寶上佛者皆非凡人皆是前世故作  
佛道作佛形像其得福如是作佛形像後世

得福無有窮極盡時不可復稱數四天下江海  
海水尚可斗量枯盡作佛形像其得福過於  
四天下江海水十倍後世所生爲人所敬護作  
佛形像譬若天雨水人有好舍無所畏作佛  
形像後世死不復更泥犁禽獸薜荔惡道中  
生其有人見佛形像以慈心叉手自歸於佛  
塔舍利者死後百劫不復入泥犁禽獸薜荔  
中死即生天上天上壽盡復來下生世間爲  
富家作子珍寶竒物不可勝數然後會當得  
佛泥洹道

佛告王作善者作佛形像其福得祐如是不  
唐其王歡喜前爲佛作禮以頭面著佛足王

群臣皆為佛作禮而去壽終皆生阿彌陀佛國

佛說作佛形像經





佛說龍施女經

吳月支優婆塞支謙譯

聞如是一時佛遊於維耶離奈氏樹園與大  
比丘衆千二百五十人俱及五百衆菩薩佛  
以晨旦著衣持鉢入城分衛衆會皆從諸天  
龍神香華伎樂倍於常時佛到長者須福門  
外須福有女名曰龍施厥年十四時在浴室  
澡浴塗香著好衣爲佛眉間毫相之光照七

重樓上東向見佛在門外住容貌端正如星  
中有月竒相衆好金色從容諸根寂定女大  
歡喜則自念言今得見佛及衆弟子當以發  
意作菩薩行願令我得道如佛魔見女發大  
意心爲不樂念言是女今興大福及欲求佛  
必過我界多度人民今我當往壞其道意魔  
便下化作女父形像被服謂龍施言今所念  
者大重佛道難得億百千劫勤勞不懈然後  
乃成今世幸有佛不如求羅漢旣要易得且  
俱度世泥洹無異何爲貪佛父負勤苦汝是  
我女故語汝耳龍施對曰不如父言羅漢與  
佛雖俱度世功德不同佛智大度如十方空

度人無極羅漢智少若一時耳何有高才樂  
於小者魔復言未曾聞女人得作轉輪聖王  
況乃欲得作佛佛道長久不如求羅漢早取  
泥洹龍施報言我亦聞女人不得作轉輪聖  
王不得作帝釋不得作梵王不得作佛我當  
精進轉此女身意念作男子身蓋聞天下遵  
行菩薩道億劫不懈者後皆得作佛魔見女  
意不轉益用愁毒更作急教言作菩薩行者  
當不貪世間不惜於壽命今汝精進能從樓  
上自投於地者後可得佛龍施念言今我見  
佛乃自愛欲菩薩道父有教以精進棄身可  
得佛道我何惜此危脆之命女即於欄邊叉

手向佛言我今自歸天中之天以一切愍念  
知我所未請棄軀命不捨菩薩以身施佛願  
而散華以便縱身自投樓下於空中未及至  
地女身則化成男子時佛乃笑五色光從口  
出照一佛刹還從頂入賢者阿難長跪問言  
佛不妄笑願聞其意佛言阿難汝見此女自  
投空中化成男子不對曰見佛言此女乃前  
世時以事万佛後當供養恒沙如來却至七  
億六千万劫當得作佛号名龍盛其壽一劫  
般泥洹後經道興盛半劫乃滅時佛說法當  
度九十七億万人令得菩薩及阿羅漢道是  
時人民飲食當如第二忉利天上於是龍施

身住佛前報父母言願放捨我得作沙門父  
母即聽諸家親屬合五百人及八百天神見  
女人龍施化成男子皆發無上正真道意魔  
王見衆人求佛更多憂愁不樂慙愧而歸佛  
說是時莫不歡喜

佛說龍施女經

佛說龍施菩薩本起經

西晉三藏法師竺法護譯

聞如是一時佛遊維耶離奈女樹園與大比丘衆千二百五十五千菩薩及無央數天人

時佛說經衆會皆定龍施菩薩立於佛前作  
師子吼嗟歎大乘說前世行積功累德不惜  
身命不計吾我無所希求白佛言過去世時  
有一般遮旬在叢樹下精進行道心無所著  
常愍十方人及蠕動之類行四等心慈悲喜  
護常食果蔬而飲泉水不慕世榮無所貪惜  
得五神通以自娛樂何等爲五眼能徹視耳  
能徹聽身能飛行了衆人根自知本末在其  
山中誦習經義晝夜不懈時有毒虵見般遮  
旬晝夜誦經心大歡悅前詣般遮旬所稽首  
作禮取草用掃含水灑地供事道人不敢懈  
慢常在左側聽經不離般遮旬所說經毒虵

輒悉諷誦如是數月之中轉向冬寒樹木華  
果遂復欲盡般遮旬心念言冬寒以至華果  
以盡無所依怙我今當還止於人間便取衣  
鉢即欲發去毒蛇時見悲泣淚出白道人言  
欲何至乎道人荅曰寒冷且至亦無屋舍華  
果復盡無以自活故相捨去欲入郡國毒蛇  
聞之益甚悲哀白道人言道人在此如依太  
山晝夜樂法其心不傾今捨我去無所恃怙  
願見愍傷我身可憐道人荅曰吾有四大常  
當衣食以自任立今此山中亦無供具雖有  
慈心不能自在毒蛇白曰今此山中樹木叅  
天泉水流行百鳥嚶嚶甚可娛樂何爲捨焉



唯願道人勿見棄捐今雖當去欲從其後奉  
侍道人不敢任留在此愁思但有死憂道人  
答曰卿爲毒蛇衆人所憎見者欲害無有愛  
樂或於道中虎狼毒虫飛鳥走獸共害汝身  
今實恨恨無有已已雖有是心不得自在願  
卿住此思道念德精進自守忍諸困厄若前  
強健後年復會道人悲泣投淚而去毒蛇涕  
零不能自止貪見道人無有極已便即上樹  
遙望道人觀視若行察其所避道人不現轉  
復上行適復不現上盡樹頭遙望道人遂遠  
不現毒蛇益悲自責悔言身罪所致失善道  
人前世愚癡多犯衆惡淫泆瞋恚閻冥放逸

懈怠無知不奉精進迷亂不止其心不一不  
值佛世遠離正法失大智慧違遠至明從苦  
入苦離波羅蜜墮於五道虫蛾蚤虱今受地  
身為人所憎皆是身過不由他人天上世間  
豪貴無常何況我此含毒之身展轉生死譬  
如車輪小時毒虵自說瑕惡身意靜然但還  
自責今此危身不足貪惜不願軀命此無所  
著便從樹上自投於下未及至地墮樹枝間  
身絕兩分便即命過生兜術天得見光明即  
自思惟便識宿命我在世時身為毒虵奉侍  
道人行正遠邪精進不懈伏惡心魔視其身  
命譬如土沙知命非常自投樹下於彼壽終

來生此處便於天上從諸玉女及與天子各  
持香華散毒虵上便自說言今此虵身雖爲  
毒害於我大厚終不爲薄精進行法心無所  
著絕其壽命得上爲天今故來下欲報其恩  
便復行詣般遮旬所誓首作禮供養華香嗟  
歎功德皆共稱譽今此道人無有等侶行大  
慈悲無有親踈教授一切令離三塗本爲毒  
虵視如赤子憂念一切此功德大欲報其恩  
何時能達適說是已便還去上兜術天皆從  
諸天人行詣弥勒前俱誓首作禮其心悉等  
平見弥勒歡喜禮畢住一面弥勒爲說法皆  
得無所從生天上壽終後來生於世間長者

即福家作女意甚明端名曰龍施除去諸欲  
情時佛來詣舍眉間放光明時女在浴室志  
意用愕驚便即上樓觀見佛功德正諸根悉  
寂定二十二相明女心即歡喜今逮得安寧  
當供養佛法便發菩薩心時魔聞知之心  
中為愁思此女發道意盡我境界人已下變為  
父具說艱惱事佛今現在世功德甚尊特菩  
薩多勤苦羅漢疾易得時女即對曰父言無  
義理佛智譬虛空羅漢如芥子猶是以觀之  
小道無高士佛德如巨海度人無極已時魔  
謂女言汝今何愚癡菩薩甚勤苦得道無有  
期假使欲得佛當不惜軀命從樓自投地乃

知女妙英精進無所著可得無上正時女住  
欄邊向佛叉手言我用一切故願佛知我誠  
便自投樓下逮得無從生變為男子形阿難  
乃驚怖叉手正衣服白佛天中天今我意甚  
恠此為何等焉一切皆愚癡願佛現大明時  
佛告阿難汝見此女不自投於虛空轉作男  
子身不獨今棄軀前世亦復尔已更事万佛  
精進無懈止却後當來世供養如恒沙便當  
得作佛号名曰龍上在第一大會度脫諸天  
人其數難屢陳譬之如浮雲尔時佛治世快  
樂無有極飲食皆自然譬如忉利天於是龍  
施身住立在佛前報其父母言聽我作沙門

父母即聽之侍從五百人及八百天神皆發  
無上心。爾時魔愁毒悔恨無所陳。龍施白佛  
言願愍一切人爲斷十二海除去諸苦辛用  
衆愚癡故多說大珍寶時佛便講法五百侍  
從人皆得無從生及八百諸天得不起法忍  
彼時龍施身便住於佛前自說過世行求道  
甚苦勤不用己身故但爲一切人如來之功  
德不可具說。陳爾時般遮旬今則是世尊其  
毒虵之軀今是龍施身時五百玉女今是五  
百人八百諸天子共志無等倫菩薩所示現  
猶爲有所因欲歎其功德終無能盡焉。彼龍  
施菩薩作師子吼時無數諸天人皆發無上

真一切皆歡喜作禮於佛前

佛說龍施菩薩本起經



佛說八吉祥神呪經

吳月支優婆塞支謙譯

聞如是一時佛在羅閱祇耆闍崛山中與千二百五十比丘俱菩薩千人皆弥勒等佛告賢者舍利弗及諸比丘皆一心聽佛告賢者舍利弗東方去是一恒沙有佛名安隱囑累滿具足王如來至真無所著最正覺今現在說法其世界名曰滿所願聚去是二恒沙有佛名紺琉璃具足王如來無所著最正覺今



現在說法其世界名曰慈哀光明去是三恒  
沙有佛名勸助衆善具足王如來無所著最  
正覺今現在說法其世界名曰歡喜快樂去  
是四恒沙有佛名曰無憂德具足王如來無  
所著最正覺今現在說法其世界名曰一切  
樂入去是五恒沙有佛名藥師具足王如來  
無所著最正覺今現在說法其世界名曰滿  
一切珍寶去是六恒沙有佛名曰蓮華具足  
王如來無所著最正覺今現在說法其世界  
名曰滿香名聞去是七恒沙有佛名筭擇合  
會具足王如來無所著最正覺今現在說法  
其世界名曰一切解說音聲遠聞去是八恒

沙有佛名解散一切縛具足王如來無所著  
最正覺今現在說法其世界名曰一切解脫  
佛告賢者舍利弗此諸佛如來無所著過四  
道不受最正覺其國土清淨無五濁無愛欲  
無意垢若有善男子善女人聞此八佛及國  
土名受持奉行諷誦讀誦廣為他人解說其  
義者終不愚癡口之所言無有失誤相好具  
足無所缺減無央數年不為之少是人終不  
墮太山地獄餓鬼畜生中也是人終不望取  
羅漢辟支佛道而般泥洹必當逮得無上平  
等之道常遇陀隣尼常行菩薩法得功德無  
量第一四天王常擁護之不為縣官所拘錄

不為盜賊所中傷不為天龍鬼神所觸燒閱  
又鬼神盪道鬼神若人若非人皆不能害殺  
得其便也除其宿命不請之罪若有疾病水  
火鳥鳴惡夢諸魔所燒恐怖衣毛豎時常當  
讀是八吉祥神呪經呪之即得除愈是時佛  
說偈言

若有持是經  
疾得無上道  
中外常歡喜  
行惡悉消除  
供事是經者  
色像好無上

八佛國土名  
自覺發道意  
供養心恭敬  
持是八吉祥  
千葉華中生  
人間是尊經

不墮三惡處  
見佛即開解  
億劫阿僧祇  
速得明解教  
珍寶為其出  
尊敬信樂者

奉持諷誦讀

清淨無放逸

女人信是經

敬慎無諛諂

棄女為男子

聰明常黠慧

奉持八佛名

出入賊不害

刀兵水火毒

諸邪不能干

愛樂奉是經

諸魔不得便

鬼神諸官屬

無能燒亂者

飛行到諸刹

所在大豐樂

心意正無邪

見佛大歡喜

所生常遇佛

等心奉事之

一切眾惡除

疾得泥洹道

精進無懈怠

去離諸魔著

為人朴直儒

奉持八佛名

勇猛降眾魔

其力如金剛

端正相好具

一切莫能當

布施無慳貪

巨億万家生

盜賊及怨家

自然皆消除

疾病縣官事

鳥鳴諸惡夢

持是八佛名

呪之即除愈

奉持是經者

彌勒菩薩等

第一四天王

常共擁護之

所願皆可得

踊躍大歡喜

一心信樂者

福德亦如是

尔時諸菩薩颯陀和菩薩羅憐那竭菩薩橋

日兜菩薩那羅達菩薩須深彌菩薩摩訶薩

須和菩薩因坵達菩薩和輪調菩薩是八人

求道已來無央數劫於今未取佛願言使十

方天下人民皆得佛道若有急疾皆當呼我

八人名字即得解脫壽命欲終時我八人便

當飛往迎逆之諸菩薩彌勒等第一四天王

皆白佛言吾當擁護持八吉祥神呪經者與

我并力令諸疾病皆得除愈佛說經已舍利  
弗弥勒菩薩及諸比丘天龍鬼神阿須倫王  
皆大歡喜樂聞

佛說八吉祥神呪經

女

作佛形像經

薜荔

上蒲閉語

此云下零帝反苑  
此云下零帝反苑  
此云下零帝反苑

施龍女經

危脆

取歲反  
易破也

龍施本起經

蠕動

上音軟又而  
准反細蟲也

果蓏

下郎果反瓜  
在樹曰果

在瓜之類也

叅天

上音所簪反  
長貞今作森

樹木

嬰

一耕反  
鳥鳴也

蝨

直弓反

有

足  
反殖

里百

恨

力向  
憂悲也

反

救

淚

上

拭

也

反

蚤

虱

上

音

卑

瑕

胡家

反

也

歧

渠

支

反

愕

吾各

反

芥

芥

字

# 八吉祥呪經

媯

音遶

又

反

蠱

道

上

音

古

腹

諛

諂

上

羊

牙

反

颯

陔

上

蒲

反

喬

未

因

下

音

遲

或

誤



